

四庫全書

史部

欽定四庫全書

平定準噶爾方略續編卷六

乾隆二十五年九月癸卯

諭按察使銜納世通安撫多倫回衆

上諭軍機大臣曰納世通奏奉到由庫車調往哈喇
沙爾辦事沿途防範多倫回衆諭旨俟體察得實
續行具奏等語前因阿里衮奏賊犯邁喇木等所
供有多倫回人等倡言煽惑之語因諭納世通密

為防範今據審訊明確係邁喇木呢雅斯等教令
多倫回衆傳說則並非伊等起意捏造不須過為
防範仍宜加意安撫俾伊等坦然無疑庶新疆安
插回人可以永期寧謐著傳諭知之

議搭放官兵口糧羊隻事宜

參贊大臣舒赫德奏言各城臺站官兵口糧若
於一年內以三四月搭放羊隻既省運米之費
而所得皮張即作冬衣查哈密庫車等處約羊

四萬餘隻計送烏魯木齊二萬隻以一萬隻轉
送伊犁五千隻存留庫車賽里木拜一萬餘隻
解送阿克蘇搭放官兵糧餉其喀爾喀貿易羊
隻由巴里坤採買送至烏魯木齊轉送伊犁至
布魯特等雖間有羊隻來喀什噶爾貿易但回
人爭購其值頗昂請俟價平時再為辦理奏入
得

旨軍機大臣議奏尋議現在哈密牧放羊隻係去年

官兵口糧所餘應如所奏俟來年草青時分送
烏魯木齊伊犁其餘存留庫車及送往阿克蘇
以備搭放糧餉但所奏未及葉爾羌喀什噶爾
官兵應再行查奏至喀爾喀羊隻除由巴里坤
購送烏魯木齊伊犁外查伊犁現駐兵丁應酌
量多購牝羊以資孳息其布魯特羊隻應俟價
平時酌以銀貨交易此時毋庸辦理奏入

上從之

戊申

諭駐劄巴里坤等處大臣等加意守護孳生馬匹

上諭軍機大臣曰吳達善奏稱遵照軍機大臣議奏
於安西等三營孳生馬內揀選一千四百匹解送
巴里坤牧放等語此項馬匹特令軍營分羣孳息
以圖久遠獲效著傳諭巴里坤烏魯木齊伊犁之
該管大臣等務派妥協官兵加意牧放不致盜竊
傷損方為有益現在從哈薩克逃出之厄魯特等

若聞牧羣蕃息必來盜竊今地方雖云寧靜須仍
如用兵時嚴設卡倫加意防範倘日久疎懈致馬
匹被盜或大有傷損定將承辦之大員官兵以軍
律從事

已酉

諭陝西巡撫鐘音辦解減撤臺馬事宜

上諭軍機大臣曰據鐘音奏陝省沿途各站額外增
添馬一千八十匹除已撤五百八十匹外其尚存

五百匹應盡行裁撤仍照原價每匹八兩歸款等語此項額外增添臺馬從前雖經軍機大臣議令裁撤歸款但目下陝甘二省馬價尚在昂貴之時若照原價變賣將來倘有需購買之處轉不免周章且烏魯木齊等屯田處所亦皆需馬是以甘省此項增添臺馬及孳生馬匹皆令其解赴巴里坤等處設廠牧放今陝省應撤臺馬事同一例莫若照甘省辦理既免交收之煩而屯田處所亦可就

近撥用甚為有益著傳諭該撫令其遴委幹員妥
辦解赴勿致疲乏若業經變價歸款即不必另行
辦理

辛亥

葉爾羌辦事都統新柱等疏奏查拿搶臺逸賊
新柱等奏言搶掠鄂坡勒臺站為首回賊海特
瑪特呢雅斯索丕傳送逆書回賊多里雅特默
特俱經逃竄臣等於總兵官楊寧等查拿賊犯

時即令吐魯番回人阿瑞密喇卜等識認現獲之賊今准阿里袞咨阿瑞密喇卜等識認海特瑪特呢雅斯索丕現在所獲數內已照原奏正法其多里雅特默特臣等通行各城一體查拿務獲奏入報

聞

壬子

命布魯特散秩大臣阿奇木補授阿喇古阿奇木伯

克

參贊大臣舒赫德等奏言臣新柱面奉

諭旨命與臣舒赫德酌量將散秩大臣阿奇木補授

阿奇木伯克但現在回部各城阿奇木伯克俱

補授有人今阿奇木係布魯特人若於布魯特

附近回城補授庶為人地相宜查阿喇古尚無

阿奇木伯克請以布魯特阿奇木補授可以外

防布魯特內輯阿斯騰阿喇圖什等處至阿喇

古有回人三百戶從前阿奇木伯克定為六品
阿奇木係散秩大臣即以原銜管理阿奇木伯
克事務奏入得

旨如所請行

參贊大臣舒赫德疏奏獎賞伯克阿卜都喇伊
木

舒赫德奏言臣欽奉

諭旨以阿卜都喇伊木發覺邁喇木等逆書應行獎

賞臣等伏查該伯克從前率葉爾羌之衆歸附
此次又將逆書呈出因得早為辦理該伯克現
係葉爾羌伊沙噶伯克戴四品頂孔雀翎今擬
請加賞二品頂帶伏候

欽定奏入得

旨如所請行

癸丑

命定卡倫官兵欺飾妄報及疎防滋擾之例

上諭軍機大臣曰舒赫德奏審訊駐阿喇古卡倫之
索倫佐領羅頗里等並未被喀喇和卓搶掠因遇
賊得脫恐查詢獲罪故飾詞求免應請革職留軍
營効力等語前據永慶奏羅頗里被喀喇和卓圍
困三晝夜陣亡兵丁六名始得脫出嗣經阿里衮
審訊喀喇和卓據供曾遇羅頗里隨給與口糧指
路令赴烏什阿克蘇兩處朕見其情詞互異因諭
令查奏今舒赫德尚未奉到諭旨即已訊得確情

則從前情節顯係羅頗里畏罪捏造夫卡倫駐兵
無多遇賊力戰不支始得脫出本屬無罪即賊勢
委難抵敵暫離汎地其罪猶輕今轉將給糧指路
之人誣為搶掠之賊且以管兵官員而欺飾妄報
如此理應正法念其尚能與賊接戰未至望風逃
竄姑從寬典但僅予斥革不足蔽辜著將羅頗里
永遠枷號示衆再有似此者定行正法至新疆駐
劄大臣等應嚴飭所屬防範臺站并體察官兵內

如有任意欺凌回人侵占什物者一經發覺即行
正法俱著舒赫德通行傳諭知之

諭參贊大臣阿桂等調派効力人員辦理屯田事宜
上諭軍機大臣曰據阿桂奏稱本年伊犁屯田以播
種計之上地所獲二十倍中地所獲十倍足敷千
餘人來年麥熟前之食將來增墾益多則需人益
衆並請於闢展廢員內遣原任副都統圖克善劉
揚前來効力等語今年數百回人甫經耕墾即收

獲豐裕覽奏殊為欣悅伊犁地廣屯田以多為善其圖克善等俱照所請發往若仍需人承辦則烏魯木齊効力官員頗多著一面具奏一面調遣亦傳諭烏魯木齊大臣等知之

命安插由哈薩克來投伊犁之厄魯特等

上諭軍機大臣曰阿桂奏稱固勒扎卡倫盤獲由哈薩克逃來之厄魯特男婦十名口又洪郭羅鄂博投入厄魯特三名俱解送阿克蘇交舒赫德辦理

等語此等厄魯特人苦哈薩克役使陸續投來者
必多與其徒煩解送不若即留伊犁等處令其牧
放牲隻効力此次投來人等既送往阿克蘇著傳
諭舒赫德將阿克蘇所有之厄魯特通行體察其
頑梗叵測者仍留原處若攜有妻子無可疑情節
來年即發往伊犁交阿桂等酌於屯田牧馬差遣
仍善為撫綏約束

戊午

總督管甘肅巡撫吳達善疏奏酌撤臺馬及籌給塘驛芻豆事宜

吳達善奏言西路自軍興以來各臺站於額馬外加增四匹二匹不等今大功告成自應裁撤但一切章奏雖較前減少而駐劄大臣及屯田臺站文武各員仍屬往來絡繹臣詳加酌核每站設馬六匹已足敷用其餘盡行裁撤分別撥歸本營及變價歸款附近巴里坤者解往牧放

再上年歉收及口外塘驛馬匹請特給本色芻
豆以資飼秣俟秋收後停止惟安西至哈密等
站或遠距內地或路多戈壁應請仍支本色臣
等再行籌辦奏入報

聞

庚申

賜頭等侍衛碩多隆武等巴圖魯號及陞賞有功官
兵

欽定四庫全書

平定回疆方略卷六

上諭軍機大臣曰舒赫德阿里袞等奏叙奮勉擒獲賊匪官兵著加恩賜頭等侍衛碩多隆武特穆爾巴圖魯號前鋒參領富虎布哈巴圖魯號仍賞銀一百兩副將索柱著賞戴孔雀翎主事陀穆齊圖著陞授員外郎其餘効力官員各加一級陞用兵丁著照例給賞又

諭曰海明奏擒獲賊犯奈納克和卓係索倫馬甲隆恰及鄂勒本圖等語著交部從優議叙

命賞擒獲賊犯之英噶薩爾阿奇木伯克色梯巴勒

氏二品頂帶吐魯番托克托和卓密喇卜各緞

二端

參贊大臣舒赫德疏奏籌辦移駐烏魯木齊關
展等處官兵

舒赫德奏言臣欽奉

諭旨籌辦關展等處官兵移補烏魯木齊兵額及哈
喇沙爾辦事將書山和其衷酌留一人各事宜

欽定四庫全書

平定回疆方略卷六

三

臣即咨商各該處今據覆到查哈喇沙爾屯田
管轄多倫回衆及臺站卡倫和其表一人已足
敷用至闢展喀喇和卓托克三等處尚有屯田
駐防兵二千餘名近准阿桂咨商來田伊犁屯
田增兵一千名請即於烏魯木齊現有兵丁內
派出一千辦給馬駝籽種農具於來年二月中
旬發往伊犁此一千兵缺仍將闢展等處兵丁
酌量調往烏魯木齊補額以次進發既不致侵

占吐魯番等回人地畝而於新疆屯田較有裨益再闢展收貯兵丁口糧籽種及上年收穫糧石軍需銀兩緞疋器械等物本年收穫總數必須大員查核請以郎中德爾格暫駐闢展辦理事竣後再赴烏魯木齊至闢展當烏魯木齊阿克蘇之衝應酌留屯田兵六百名以武職一員領千把總數員歸烏魯木齊大臣管轄以文職一員管理糧餉器具等事歸哈密道員查核其

喀喇和卓托克三兩處糧石就近交吐魯番公
素賚瑞看守奏入報

聞

辛酉

命郎中德爾格駐劄闢展辦事

上諭軍機大臣曰現在烏魯木齊有安泰辦事永瑞
定長亦俱前往據舒赫德奏請以德爾格暫駐闢
展將彼處一應事務查核明白交代闢展承辦官

員方可赴烏魯木齊等語闢展辦事仍須專員兼轄可傳諭德爾格查核事竣仍駐劄闢展兼轄文武官兵一切事件與舒赫德定長商辦有應行陳奏者准其具摺奏聞併傳諭舒赫德定長等知之

癸亥

哈薩克阿布賚使人都勒特克勒等入

覲恭遇

上行圍木蘭

召見行禮畢

命隨圍與觀是日未刻

賜扈從王公滿漢文武大臣扎薩克王公台吉都爾伯特親王策凌烏巴什回部郡王霍集斯及哈薩克使人食

甲子

葉爾羌辦事都統新柱等疏奏本年徵收糧石分數

新柱等奏言葉爾羌應徵糧石及入官地畝應分之糧前經將軍兆惠等奏於乾隆二十五年徵糧二千帕特瑪其入官地畝所出一半交官今據伊沙噶伯克等分晰大小麥稻黍豌豆各數並稱此等地畝俱間年播種方可豐收今因霍集占等擾累後只得儘力耕作幸蒙

聖主福庇山水傾注又得好雨是以所種地畝收穫七倍僅交各色糧石一千二百一十帕特瑪不

敢稍有隱匿等語謹將糧石分數列單恭呈

御覽奏入報

聞

乙丑

命傳諭各城駐劄大臣等查拏伊犁竊馬之嗎哈沁
上諭軍機大臣曰阿桂奏稱察卜沁臺站馬匹被竊
派副都統豐訥亨等帶兵追襲迷踪轉回行文闕
展烏魯木齊等處一體查拏其原遣官兵休息數

日仍由朱爾都斯河源至阿勒坦呼斯坦等處搜捕等語此等嗎哈沁雖經豐訥亨等追襲迷踪料不能遠遁著傳諭舒赫德安泰通行開展等處駐劄大臣等嚴飭各站官兵查拏務獲以清臺路

辛未

議伊犁增派駐防屯田各事宜

參贊大臣阿桂等奏言臣等欽奉

諭旨籌辦伊犁耕牧城守次第謹列款具奏一請增

派回人屯田查伊犁收穫可敷屯田回人一千
戶之食本年現有屯田回人三百名近經舒赫
德增派五百名已照例整裝於來年春初起程
仍有應派回人二百名請俟伊犁麥熟後遣發
一請增派官兵駐防屯田查伊犁收穫通來年
增派回人五百名計之可敷官兵二千五百人
之食現有駐防蒲洲索倫察哈爾兵八百餘名
應增兵六百餘名屯田綠旗兵一百名應增九

百名以上增兵一千五百名應陸續遣發一增
派官兵請隨時酌量定數查屯回人一千計
其收穫則壬午年即敷官兵三千人之食加以
綠旗兵一千則所收又倍應酌量定額以多駐
馬兵於邊防有益如駐兵五千則馬三步二駐
兵四千則減步兵一千一請次第建置城邑查
伊犁要地河北則固勒扎河南則海努克其地
土肥饒之處則察罕烏蘇應於海努克築城以

欽定四庫全書

平定津噶兩方略續編

卷六

七

回人三百名屯田用兵數百名駐防西通哈薩克布魯特及回地諸路察罕烏蘇築城以綠旗兵一千名屯田併駐防伊犁河北一路固勒扎須築大城凡駐劄大臣公署倉庫咸在以為總匯其馬兵於草青時分路巡查霜降各回汎地擬於壬午年夏季派綠旗兵一千名辦理令回人協助一年內竣事一預備屯田兵丁馬駝現議增派綠旗屯田兵一千必需馬匹查烏魯木

齊所易哈薩克馬六百匹尚不敷用應將陸續
市易之馬令安泰等辦理千餘匹及查明哈密
巴里坤有無馬匹應用其行裝駝隻查烏魯木
齊尚有七百應揀選五百解送即於伊犁牧放
從容往來轉運奏入得

旨軍機大臣議奏尋議伊犁屯田原屬次第辦理除
現在回人三百名外舒赫德又派回人五百名
於來春起程其續派之二百名仍令酌量若能

一起前往甚善如不能則竟於秋收後發往庶
回人不致竭蹶而伊犁糧石亦可節省至本年
所收糧石既足官兵一千人之食則來年增墾
可以類推應如阿桂所奏此項官兵於春秋二
季分起調往其官兵額數酌以四五千人為率
但必隨時出派始不煩內地之力應俟來年秋
收後再行酌定其駐防年限照從前成議更換
又所奏建置城邑實為邊防永圖不獨地當衝

要亦宜相其形勢物產查固勒扎地居曠野薪炭無資應於烏哈爾里克察罕烏蘇哈什空格斯伯勒齊爾等木植多處或近山產煤之地築城駐兵仍令阿桂等再行勘定其海努克察罕烏蘇二城俱應如所奏辦理但另派綠旗兵一千築城未免張大其事且多浮費應令屯田綠旗兵於農隙次第興築不必定以年限又所奏屯田馬駝查所易哈薩克馬匹現議陸續解送

其駝隻一項烏魯木齊有駝七百隻即可選出
五百俾運送一千人屯田器具至兵丁糧餉春
初照初次遣兵例從阿克蘇辦給米麵羊隻麥
熟後則但給以程途口糧并請嗣後添駐官兵
總於烏魯木齊阿克蘇調撥奏入

上從之

冬十月癸酉

諭參贊大臣舒赫德等獎賞急公回人及撙節糧餉

事宜

上諭軍機大臣曰舒赫德奏稱伊犁屯田回人起程
各城回衆湊足口糧籽種共二十六萬餘觔護送
之小頭目共五百六十餘人騎馱之馬共一千三
百餘匹等語回部諸城感恩効力誠悃可嘉著傳
諭舒赫德酌量獎賞至伊犁又增如許糧餉將來
收穫之時自必益加豐裕其共敷軍食幾月著阿
桂查核具奏糧餉即屬有餘亦當撙節不可任意

糜費俱傳諭知之

議派伊犁屯田綠旗兵事宜

參贊大臣舒赫德等奏言前經阿桂奏請於來
年伊犁麥熟後酌派綠旗兵一千名屯田臣等
公議若早辦兵丁數百名更可及時耕作今烏
魯木齊所有馬駝俱約計六百餘隻請令安泰
先派綠旗兵五百名於正月初起程其續行發
往兵丁請照原議於烏魯木齊派出以關展等

處兵丁補額奏入得

旨軍機大臣議奏尋議查阿桂奏請於伊犁現有綠
旗兵一百名外添派九百名臣等議於阿克蘇
派出四百名烏魯木齊派出五百名今舒赫德
所奏馬駝等事與原議相符應准其先行辦理
至續行發往兵丁仍令於阿克蘇派出奏入

上從之

乙亥

諭參贊大臣舒赫德酌派喀什噶爾綠旗兵赴伊犁

屯田

上諭軍機大臣曰據海明奏稱查閱喀什噶爾有索倫兵二百九十名察哈爾兵二百二十三名綠旗兵九百十名等語喀什噶爾現在有索倫察哈爾兵足資駐防則綠旗兵可以調撥今伊犁地廣而腴屯田兵丁頗覺不敷雖經派兵一千名陸續發往尚可再為增加著傳諭舒赫德來年辦遣屯田

兵丁時即將喀什噶爾之綠旗兵丁撤回由阿克蘇就便發往

諭御前侍衛署副都統安泰等酌購商人駝隻

上諭軍機大臣曰永寧奏稱喀爾喀貿易人等皆在巴里坤行走亦間往烏魯木齊未有來哈密者其往來商駝已酌於二三十隻內抽買一二隻共得一百二十隻送入牧羣等語前諭五吉等於哈密商駝每百隻抽買二三十隻以備糧運今喀爾喀

人等既未往哈密著傳諭安泰同德於烏魯木齊
巴里坤商駝內購買仍遵前定額數視其情願不
可勉強抑勒

參贊大臣舒赫德疏奏派管臺站及移送關防
事宜

舒赫德奏言准定長咨闢展東西臺站共三十
八所俱駐劄大臣管轄今移駐烏魯木齊難以
兼顧請令巴里坤烏魯木齊哈喇沙爾三處分

派管轄其闢展關防似應奏繳等語查闢展東
自蘇魯克圖至廋濟七臺請歸巴里坤大臣兼
管自闢展至烏魯木齊鄂倫拜桑等九臺歸烏
魯木齊大臣兼管闢展西自布罕至托和鼎二
十二臺恐哈喇沙爾大臣不能兼顧酌自布罕
至開瀆前岸十一臺歸并兼管其碩爾楚克至
托和鼎十一臺歸庫車大臣兼管再查喀什噶
爾前係葉爾羌大臣兼管今分派駐劄似應給

以關防請將開展關防不必奏繳即移送喀什噶爾鈐用奏入得

旨如所請行

喀什噶爾辦事都統侍郎海明疏奏酌給阿奇木伯克公署

海明奏言回部阿奇木等伯克向係世襲即居其舊有房屋今定為遇缺補放不時更換宜有公署以資辦事查喀什噶爾英噶薩爾牌租阿

巴特阿喇古俱有入官房屋請酌定公署四所
以垂久遠奏入報

聞

丙子

諭參贊大臣舒赫德申禁回人誣告及通事擾累地
方

上諭軍機大臣曰舒赫德奏自喀什噶爾轉回得永
慶所送鄂對噶岱默特阿什默特等控告額敏和

卓呈詞即將鄂對等申飭曉示伊等悔悟隨將原呈發回等語所辦甚是回人積習相沿彼此猜嫌讒毀惟在駐劄大臣持平守正嚴加約束來年舒赫德前往葉爾羌喀什噶爾著留心體察仍曉示回衆云大皇帝用人不過因材器使即如木薩先因喀什噶爾需員辦事故加委任今伊犁駐兵屯田又將伊補授阿奇木並非常在喀什噶爾爾等何得造言誣謗至舒赫德所奏鄂對呈稱通事苦

累回人甚於烏沙克等語此等通事皆吐魯番哈
密之人若盡行裁革轉至無所見聞且此番誣告
呈詞實屬奸狡之徒所構大臣等務宜約束昨諭
官兵內有勒取回人之物者尚以軍法從事嗣後
通事等若敢於苦累回人即從重辦理以示懲創

辛巳

賜哈薩克阿布賚

勅書

皇帝勅諭哈薩克阿布賚爾遣使人都勒特克勒入
覲經烏里雅蘇台將軍大臣等派員護送俱妥善
前來朕已加恩宴賚賜爾緞疋綢綾玻璃磁器茶
芽各若干交使人齎往爾其祇受所賜使人孔雀
翎頂帽衣服緞疋綢綾銀兩器什各有差亦諭爾
知之去年爾部落巴魯克巴圖魯搶掠烏梁海據
烏里雅蘇台將軍大臣奏請發兵朕未允行惟令
察核所掠之人口什物命侍衛納旺齋勅諭爾今

據奏稱爾感戴朕恩與伊前往搶掠烏梁海之哈薩克等游牧察核送還又專使入覲誠悃可嘉前事係巴魯克巴圖魯所為與爾不相干涉朕久已洞鑒此時應已察出送還烏梁海游牧矣爾游牧從前與厄魯特接壤被其擾害嘗遠徙以避今厄魯特全部皆朕版圖爾安居游牧已屬寬裕現在伊犁等處駐兵屯田國家法令森嚴決不侵軼爾游牧但爾所部若不守分安業妄行越境游牧則

駐劄之將軍大臣等必不肯從轉與爾屬人無益
爾惟加意約束所部如當年與準噶爾接壤時即
有舊地向為準噶爾所取者亦不得越境游牧守
分安生則福祿可久仍以朕德意通行曉諭爾哈
薩克衆游牧知之特諭

諭巴里坤辦事道員同德查詢烏魯木齊可否牧放
駝隻

上諭軍機大臣曰同德奏准烏魯木齊大臣等移送

奏稿以來年遣往伊犁屯田兵丁需用駝隻甚多
將前次駁回駝隻二百餘仍行解送并新購商駝
二百餘隻乘雪未甚大早行起程等語近據烏魯
木齊大臣等奏彼處疫氣正作牲隻易於倒斃故
將巴里坤送來駝隻仍行發回即令該大臣等因
屯田需用頗急亦應將疫氣曾否止息行文查詢
乃遽請解送甚不曉事著俟詢問回覆之後再為
辦理起程

壬午

諭葉爾羌辦事都統新柱等曉示阿奇木伊沙噶等
伯克

上諭軍機大臣曰新柱等奏從前伊沙噶伯克阿卜
都喇伊木呈告鄂對嗜飲辦事躁妄不宜阿奇木
之任若鄂對不知應無庸置議倘知而互相猜妬
於公事恐有貽悞當體察情形辦理等語回人性
多疑懼此舉顯有形跡若為之隱覆恐伊等更覺

不安朕意竟將伊等傳集於衆前分別是非加以訓飭庶鄂對不啟猜疑而阿卜都喇伊木亦不妄行防備悔悟之後和衷共事自無掣肘之虞可酌量辦理

命派總兵金梁管理伊犁屯田綠旗兵丁

上諭軍機大臣曰阿桂奏稱來年伊犁增添綠旗兵屯田必需大員管轄等語烏魯木齊現有達啟金梁二員管理屯田兼辦哈薩克貿易等事然大臣

尚多較之伊犁屯田伊始自有緩急著傳諭安泰等來年派出屯田兵丁時即令金梁前往伊犁并傳諭阿桂知之

參贊大臣阿桂等疏奏致祭伊犁山川

阿桂等奏言臣等屯田伊犁因六月間稍旱又穀熟時大風俱經祈禱山川今收穫豐登頗著靈應恭查山川之祀原有常經仰懇

皇上頒發祝文香帛於伊犁迤北之格登山迤南之

額林哈畢爾噶山及伊犁河每歲春秋致祭永
垂祀典其巡查所至名山大川並請臨時酌量
致祭奏入得

旨如所請行該部照例辦理

參贊大臣舒赫德奏寧夏鎮屬守備胡海自阿
克蘇送羊八千三百餘隻至伊犁無一傷斃

命交部議叙兵丁等俱賞給餉銀一月

甲申

諭參贊大臣舒赫德等移駐官兵事宜

上諭軍機大臣曰舒赫德奏葉爾羌馬兵約七百名
哈喇沙爾約五百名英噶薩爾約三百名俱有卡
倫牧廠差遣又當賊匪邁喇木等滋事之後未便
盡行調撥請先調三百名又各城官兵口糧雖未
缺乏但所徵騰格錢文不敷支給現在行查會同
商辦等語添駐伊犁馬兵先遣三百名即照所請
行至所奏錢文不敷支給自應計各城錢糧量入

為出閱所奏支給之項不敷者十分之三即可撤去三分兵額是兵一千名核減尚有七百果能簡擇精銳豈不愈於虛糜糧餉況同城駐兵本意原欲就其糧餉為移駐伊犁之漸將來伊犁既駐大兵則居重馭輕有事自可無虞而同人等亦各安生業全無擾累總之回部所駐官兵惟準彼處所得之賦稅不可致煩內地物力著傳諭舒赫德阿桂等知之

喀什噶爾辦事都統侍郎海明疏奏入官地畝收成及拏獲逃犯

海明奏言前據將軍兆惠奏請將隨同波羅泥都逃走人等地畝入官給同人耕種分租今據吐魯番公木薩等呈稱入官地畝共四百帕特瑪給同人耕種因牲畜短少僅種二百帕特瑪收穫約計六分查喀什噶爾每年交糧四千帕特瑪足敷官兵之用現在六百帕特瑪穀石請

照時價折收普爾錢以作鹽菜銀兩將來收穫
豐裕另行定額具奏又臣在葉爾羌辦事時所
有未獲逃犯多里雅特墨特係傳送逆書之人
九月初六日據商伯克墨墨氏敏遣人緝獲解
送審訊明白照例凌遲梟示其獲賊得功之回
人等均已酌量賞給布疋奏入報

聞

平定準噶爾方略續編卷六

欽定四庫全書

史部

平定準噶爾方略續編卷十七至

詳校官監察御史臣孫家賢

通政使司副使臣莫瞻菴覆勘

總校官進士臣朱鈐

校對官修撰臣戴衢亨

謄錄監生臣蔣知廉

欽定四庫全書

平定準噶爾方略續編卷七

乾隆二十五年冬十月壬辰

命賞巴里坤辦事道員同德布政使職銜

上諭軍機大臣曰同德奏稱採買巴里坤商販羊五千隻以五百隻為一羣選派官兵加意牧放等語同德前經獲罪遣往巴里坤効力今辦事甚屬奮勉著加恩賞給布政使銜以示鼓勵

命賞革職副都統范時綬叅領職銜

上諭軍機大臣曰舒赫德奏范時綬自闡展解羊一萬三千四百餘隻至阿克蘇沿途倒斃不及十分之一請將官兵議叙等語范時綬此次管解羊隻督率官兵甚屬勤慎著加恩賞給叅領職銜各官兵著交部議叙

叅贊大臣舒赫德疏奏修理穆素爾嶺及更換臺站兵丁事宜

舒赫德奏言臣等恭齋

欽頒祝文香帛於九月二十五日致祭穆素爾嶺仰
荷

神祇感應先三日天氣清和本日風霧盡斂日色
昭朗官兵回人等俱驚異歡悅臣察勘穆素爾
嶺形勢由山陽之亥里巴特阿璜八口兩面俱
是高峯中匯大河由山崖行百八十里至塔木
噶塔什臺站即山嶺之足初入嶺口繞行冰石

相雜之地二十里一山橫亘盡屬堅冰臣即將
派出修理道路回人一百二十戶內每日派二
十人更番槌鑿過此地復冰石相雜約六七十
里至噶克察哈爾海臺站山陰積雪柴薪甚乏
看此兩臺較各臺稍為竭蹶所有原奏臺站官
兵二年一換之例請改為一年一換至修理道
路回人係阿克蘇噶雜納齊伯克呢雅斯之弟
巴巴克管轄數月間修理妥協並無貽悞請賞

給六品頂帶以示鼓勵奏入得

旨如所請行

丙申

諭叅贊大臣舒赫德等辦理由哈薩克等處來投之

厄魯特事宜

上諭軍機大臣曰阿桂奏稱凡由哈薩克布魯特陸續投來之厄魯特應先行遣往阿克蘇以供役使俟一二年後再調赴伊犁等語所見甚是可即照

此辦理至由哈薩克等處投來之厄魯特將來日漸加多伊等前來貿易或相識認懇求賞還當直告以此等厄魯特人因苦爾拘束始行逃出況爾等已為大皇帝臣僕事同一體不便給回亦不必向伊等稍為隱飾著傳諭舒赫德阿桂安泰定長等知之

叅贊大臣阿桂疏奏巡查納林阿特巴什情形阿桂奏言臣從前奏派副都統伊柱前往特穆

爾圖淖爾查勘布魯特等在納林阿特巴什等處耕種有無越界今據告稱八月二十六日至特穆爾圖淖爾有十數人蹤跡一見我兵放鎗數次旋即逃走比即追擒二人據供係布魯特車里克齊所屬采鐵至此因諭以爾等部落業經歸順一時不知官兵到來姑從寬宥次日即派侍衛鐵柱佐領德勒克領兵十名前往納林九月初九日回營告稱八月二十七日由巴勒

琿嶺行八百里至納林河河兩岸俱有布魯特
等游牧耕種隨有阿特巴什賞孔雀翎三品頂
之布魯特頭目車里克齊等率衆接見呈送口
糧羊隻并查擅放鳥鎗之屬人等解營請罪因
諭以阿特巴什等處皆大兵平定準噶爾所得
之地爾等不應游牧但爾情詞恭順應候大臣
轉奏至納林北岸阿特巴什東岸則斷不可踰
越該頭目等敬聽遂酌賞緞疋遣回等語臣謹

查阿特巴什等處舊係布魯特之地又在巴勒
琿嶺之外去伊犁甚遠誠如

聖主洞鑒可以不須驅逐臣等每年巡查即以納林
阿特巴什為界禁止侵越至該處距喀什噶爾
雖近尚隔大山而附近之布魯特游牧更多亦
可無庸辦理奏入報

聞

戊戌

欽定四庫全書

平定準噶爾方略續編

卷七

五

命陞賞烏帕勒村回人阿卜都色里木

上諭軍機大臣曰海明奏稱逆回邁喇木等倡亂時
有烏帕勒村回人阿卜都色里木實心報効固守
卡倫請授為六品伯克等語阿卜都色里木著授
為六品伯克仍賞戴藍翎及緞二端以示鼓勵

十一月辛丑朔

諭陝甘總督楊應琚揀派副將一員管領烏魯木齊
屯田兵丁

上諭軍機大臣曰安泰等奏稱奉到遣回涼州總兵
達啓之旨已於十月十一日遣令起程續准阿桂
咨送奏稿將金梁調往伊犁其烏魯木齊綠旗兵
丁請派大員管領等語安泰此奏係十月十三日
距達啓起程之期未遠何難即時追回乃另行請
派甚屬拘泥但業已遣行且達啓亦効力有年不
必再行調遣著傳諭楊應琚於陝甘副將內揀選
一員前往烏魯木齊併傳諭安泰等知之

癸卯

諭陝甘總督楊應琚辦送阿克蘇鑄錢工役器具

上諭軍機大臣曰舒赫德奏阿克蘇等城出產紅銅
現據該伯克等懇請設爐鑄錢流通行使並乞照
葉爾羌之例範為阿克蘇字樣至工役器具皆所
必需業經行文該督辦送器具工役等若於葉
爾羌分撥恐彼此俱不敷用仍請於內地另行派
撥等語錢文為回民日用所必需自應照葉爾羌

例一體鼓鑄著傳諭楊應琚即查照上年之例速行妥辦派員送往

議辦送伊犁屯田牲隻事宜

軍機大臣奏言臣等遵

旨查得伊犁屯田需用牲隻與其購辦解送長途疲乏虛糜經費不若在牧羣牲隻內揀派解送俾得從容牧放永遠孳生實有裨益查商都達卜遜淖爾達里岡愛牧場牲隻總計駟騾馬十萬

匹有奇內馬駒一萬七千七百匹有奇驢騾駝
四千五百隻有奇內駝駒六百隻有奇牛二萬
六千二百頭有奇內牛犢四千七百頭有奇羊
二十八萬二千八百隻有奇內羊羔六萬七千
隻有奇擬抽出馬二萬匹駝一千隻牛六千頭
羊六萬隻送至伊犁此係預備屯田牲隻並非
急需中途儘可緩行仍就牧場官兵內選取熟
習牧放勤於飼秣之人於來年草青時解送母

許損傷遺失其如何編羣分起辦給行裝即交該總管等議奏臣等另行請

旨派出侍衛照管起程仍咨行巴里坤烏魯木齊大
臣派兵沿途護送奏入

上從之

叅贊大臣舒赫德等疏奏續派伊犁屯田回人
事宜

舒赫德等奏言臣等傳集各城阿奇木伯克等

商辦屯田回人事宜據稱定於來年正月下旬起程其家口即可同往先後辦送五個月口糧可至麥熟之期其籽種口糧牲畜酌量各城人數通融派撥送往伊犁但運送牲畜恐倒斃過多請交伊犁大臣察核再將阿克蘇馬一千匹交各城飼秣以備來年之用等語臣等查該伯克等所議俱屬可行又伊犁屯田回人一千戶除本年已派三百戶及續派五百戶外餘二百

戶於麥熟後送往則所辦籽種口糧俱可節省
據該伯克等酌議派出阿克蘇回人七十五戶
烏什四十五戶庫車十四戶賽里木六戶沙雅
爾六戶拜四戶再派多倫五十戶其護送之官
員兵丁等臨期再行酌派奏入報

聞

乾清門侍衛納旺等疏奏傳

諭哈薩克情形

納旺等奏言臣等於六月十二日同哈薩克阿
布賚前往巴魯克游牧處所沿途遇被掠之烏
梁海男婦等俱查出付還但未交明牲隻什物
隨詢問烏梁海等據所告數目向阿布賚索取
伊願竭力查給臣等遵

旨令其將巴魯克呈獻阿布勒比斯及衆人亦勸其
送出阿布賚因傳到巴魯克語之云今將汝送
往京師請罪自邀寬典不必畏懼巴魯克向衆

叩頭云我一身何闕輕重但惟賴爾衆人救援
爾等既有遣人懇求

大皇帝之議且稍守候如不蒙

俞允再行解送我亦無怨阿布賚復再三向臣等懇
求臣等又訪聞呼克扎爾拉薩爾珠瑪特二鄂
拓克俱係巴魯克嫺戚阿布賚恐遽行解送則
伊等生怨是以阿布賚議遣伊弟卓勒巴喇斯
進表陳情其烏梁海等約來年全行送出臣等

因帶領查出之烏梁海一百四十八名口馬五十六匹及牛駝軍裝等物同使人卓勒巴喇斯蘇爾統等二十四名跟役五人於八月十九日自通魯克起程十月十二日至察罕郭勒從阿爾台索勒畢嶺過烏梁海游牧會同內大臣察達克交收人口牲隻什物仍領使人由烏里雅蘇台辦令來京奏入報

聞

乙巳

諭葉爾羌辦事都統新柱等嚴訊解送犯屬官兵擅

賣人口確情

上諭軍機大臣曰新柱等奏稱准舒赫德等咨取喀什噶爾搶臺逆犯家屬九十二口分賞兵丁隨派外委把總董昌趙廷士李信及共丁二十九名解送詎董昌等因內多老弱廢疾之人不便行走除病故九口外將六十七口賣給沿途來往回人得

錢二百二十一騰格有奇殊干法紀將董昌擬斬立決趙廷士等草職枷責令當苦差効力兵丁等各擬棍責等語所辦尚未妥協此等逆回家口果係老弱廢疾則海明即不應交付董昌等又豈肯收領乃既經接受何以三日僅行五十里縱使實不能行亦當就近稟知海明即英噶薩爾亦有駐劄大員可稟乃遽行售賣深屬可疑且起程未遠何以沿途收買者聞信若此之速況垂死無用之

人收買者何所利而為之朕意逆回家口內必有喀什噶爾回人嫺戚不願往葉爾羌遂賄通董昌等將人扣留直以空名往報又或潛約於第一站私行出錢領回董昌貪其厚利捏稱不能行走徑行賣放如果有此情節不但董昌罪無可逭即趙廷士等皆應一體正法兵丁等亦當從重治罪若實係不能行走因而冒昧售賣其罪尚不至斬決當改為監候可傳諭新柱額敏和卓等會同海明

將此等官兵親加嚴訊倘舞弊情實即將董昌等
正法示衆併傳諭海明知之

丙午

烏魯木齊辦事

御前侍衛副都統安泰疏奏塔什罕回人貿易

安泰奏言十月初五日哈薩克商人四十餘名
內有塔什罕回人二名帶馬五百匹前來臣等
欽遵

諭旨照原定價值無論驢馬匹俱准其易換貨物
并諭塔什罕回人令其傳知該部落與哈薩克
一體貿易以伊等此次初來賞給飲食送出卡
倫奏入報

開

丁未

喀什噶爾辦事都統侍郎海明疏奏酌免霍罕
使人貿易納稅

海明奏言侍衛索諾木策凌伍岱前奉使霍罕等處九月三十日帶領霍罕額爾德尼伯克使人瑪哈默特和卓哈子和卓并貢馬十三匹前來附呈文書為販賣牲隻請免納稅等語因與定約嗣後使人貿易免其納稅其餘商販仍照常例給文遣回侍衛索諾木策凌等於十月初四日起程赴京奏入報

聞

己酉

命揀選烏魯木齊滿員料理伊犁屯田事宜

上諭軍機大臣曰阿桂等奏稱現在伊犁屯田需員料理請於烏魯木齊滿員內或同知或知縣揀派一員令其承辦糧餉等語烏魯木齊有發往留駐人員著安泰即行揀選於明春屯田兵丁起程時同往如烏魯木齊需員辦事即行文陝甘總督楊應琚照例派撥併著傳諭知之

叅贊大臣阿桂等疏奏辦送伊犁籽種駝隻

阿桂等奏言臣等前次會商舒赫德咨取烏魯
木齊駝隻派綠旗兵五百名每名領運籽種一
石行糧三個月送至伊犁今准安泰知會烏魯
木齊有駝一千一百九十六隻甚屬寬餘應酌
量每石加領籽種五斗共七百五十石今年伊
犁所種皆係黍粟來年籽種應酌帶大麥一百
五十石小麥六百石又咨商同德將巴里坤所

購駝隻於來年青草時送至烏魯木齊以備二
隊兵丁之用奏入報

聞

庚戌

叅贊大臣舒赫德等疏奏派撥賽里木拜官兵
事宜

舒赫德等奏言臣等前奏將賽里木拜二城駐
劄綠旗兵四百名派一百五十名遣赴伊犁查

二城相隔不遠而拜城在阿克蘇庫車之間應
令守備一員兼轄賽里木其賽里木遊擊一員
即令帶兵前往伊犁奏入報

開

乙卯

葉爾羌辦事都統新柱等疏奏沙芥素爾寄信
情形

新柱等奏言十月初二日據滾地方阿奇木沙

莽素爾遣人至葉爾羌以帕爾西字書信寄臣
其辭意頗為恭順并稱有來使口稟之言臣詢
問來人圖里雅默特據稱拔達克山素勒坦沙
因往攻博洛爾遣使借兵一百名沙莽素爾以
博洛爾亦係

天朝臣僕未曾借兵但恐結怨於素勒坦沙特先告
知又有哈爾提根之屬人十戶投入我部落或
應送內地或准其居住並請定奪等語臣伏思

沙莽素爾不肯借兵頗知大義因曉示來使云
素勒坦沙與爾等伯克俱經歸附自不敢妄生
釁隙爾伯克但當謹守部落勿生疑慮至哈爾
提根亦曾歸附其屬人逃出不但不可送來內
地即爾伯克若不先知會便行容留將來恐失
和好應詢問情由將人發回等語仍寄沙莽素
爾緞二端賞來使布二疋并繕回書於初七日
遣令起程其所譯來書及臣等回書一併錄呈

御覽奏入報

聞

戊午

授原任總河富勒赫郎中職銜仍在烏里雅蘇台辦

理糧餉

己未

議酌給西路辦事大臣養廉事宜

軍機大臣奏言臣等欽奉

恩旨以新疆所設辦事大臣駐防屯田一切日用及
賞賚之需宜酌籌寬裕除各該處官兵人等仍
照舊例支給鹽菜銀兩外其駐劄辦事及領隊
大臣謹遵

旨酌照西藏西寧大臣之例給與養廉銀兩分為總
理協辦領隊三項查伊犁增駐官兵屯田築城
事務較多擬給總理養廉二千兩協辦一千二
百兩領隊一千兩阿克蘇為伊犁要路辦事亦

繁請照伊犁之數賞給葉爾羌喀什噶爾地處
極邊擬給總理養廉一千五百兩協辦一千兩
領隊八百兩烏什庫車和闐哈喇沙爾開展烏
魯木齊等處與內地相近擬給總理養廉一千
二百兩協辦八百兩領隊六百兩巴里坤哈密
雖係內地亦有承辦軍需事務擬給總理養廉
一千兩協辦六百兩領隊五百兩吐魯番公木
薩在伊犁辦理屯田亦擬給養廉五百兩其原

得鹽菜銀兩應行裁省仍按月酌給米石於屯
田收穫內支領至此次所給養廉銀兩係

特恩加惠新疆辦事大員其伊等本任品級職銜應
得分例仍准其支給謹將各該處辦事大臣職
名養廉數目列單進

呈伏候

欽定奏入

上從之

辛酉

命議叙辦理伊犁屯田大臣官員等

上諭軍機大臣曰阿桂等奏本年屯田回人三百戶
所收穀石接濟前後駐劄官兵及厄魯特回人二
千餘口可至來年五月來年再增加開墾則建置
城堡公署兵房等事亦可次第舉行不必更需阿
克蘇糧石等語今年伊犁屯田稍覺逾時尚能如
此豐收皆阿桂等盡心辦理所致著加恩從優議

叙協辦之伊柱常亮亦屬奮勉著交部議叙舒赫
德善於籌辦接濟糧餉亦著一體交部議叙阿桂
等又奏稱副前鋒章京富勒琿都司陳聖謨承辦
稽查田穀催督回人耕穫亦屬黽勉等語著交部
於應陞之處列名其屯田回人三百名亦應加恩
著各賞銀二兩以示鼓勵

諭喀什噶爾辦事都統侍郎海明稽查伯什克勒木
乏水地畝

上諭軍機大臣曰海明奏稱伯什克勒木有地二千
四百餘帕特瑪因得水甚難未及耕種等語此項
地畝若果乏水聽其荒蕪亦可或係回人指稱乏
水希圖隱納稅糧日後私行耕種亦未可定著傳
諭海明善為稽察若有耕種之人即令按則陞科
命獎賞布魯特阿瓦勒拜並曉示安集延人等

上諭軍機大臣曰據海明奏稱布魯特冲噶巴什之
五品頂帶阿瓦勒拜來京入覲回抵游牧聞伊屬

人等搶掠安集延之物即查出銀兩馬匹等物交還而安集延人等反云尚短少銀馬若干仍令阿瓦勒拜酌量辦理呈報等語阿瓦勒拜感激恩賚查還搶掠鄰封物件甚屬可嘉著賞緞二端至安集延人等皆為臣僕若果有銀兩馬匹未獲即當再行查給倘實係無有則亦當告以阿瓦勒拜頗知守法斷不欺隱且爾安集延附近布魯特部落甚多保無他處為匪之人豈可盡責之冲噶巴什

爾等仍宜訪察至卡倫以外之布魯特等倘以互相搶掠之事來告則不必如此辦理當云爾等散處邊外彼此盜竊我處無憑稽察但從爾等舊例辦理如此分別曉示方為各得其當著傳諭知之喀什噶爾辦事都統侍郎海明疏奏請設伯什克勒木伯克事宜

海明奏言本年七月阿里衮奏裁伯什克勒木之三伯克并招徠回人耕種一事臣委前鋒叅

領富虎傳集村庄回人諭以

聖主德威令其各務生業并將貧乏回人酌分三百
餘戶前往安插但該處距喀什噶爾五百餘里
仍須另設伯克請以阿奇木伯克噶岱默特所
保和卓呼里為密喇卜伯克邁蘇木為明伯克
圖爾都和卓為哈子伯克招撫管轄至逆回邁
喇木管入官地畝仍照兆惠奏定之例與承佃
回人均分奏入報

聞

烏魯木齊辦事

御前侍衛副都統安泰等疏奏來年送往伊犁駝隻事宜

安泰等奏言前准阿桂咨來年遣兵五百名赴伊犁屯田需駝七百餘隻臣查烏魯木齊之駝因疫斃二百餘隻尚存九百餘隻約以壯健者駄運一石五斗小弱者一石共需駝一千二百

隻臣已行文同德於巴里坤選駝四百隻送來
牧放備用奏入報

聞

壬戌

諭陝甘總督楊應琚查明軍需馬匹墊項確數

上諭軍機大臣曰陝甘各營承辦軍需馬匹墊項自
乾隆二十三年春季以前屢經加恩寬免今詢問
蔣炳據稱二十三年夏季起至二十四年春季止

約有墊項八十餘萬兩又二十四年解送軍需馬
匹亦有墊項軍務久經告竣此項銀兩或應抵扣
還項或量予格外加恩自當速為完結著楊應琚
詳悉查明據實具奏

癸亥

諭叅贊大臣舒赫德酌定葉爾羌錢價

上諭軍機大臣曰楊應琚奏稱葉爾羌現在市價每
銀一兩得錢一千二百文而回人交納錢糧則每

兩七十文兵丁之領餉亦然及與回人交易則不能不照市價殊未畫一請照阿克蘇等城之例每錢一文作銀一分百文為一貫凡官兵回人銀錢出入一律辦理等語回城設局鼓鑄錢文自應與內地之出入一律楊應琚此奏或綠旗官兵等傳說太過亦未可定總之官兵回人俱不可有所偏徇阿克蘇既出入相同葉爾羌等處自應照例辦理著傳諭舒赫德新柱等公同酌議嗣後回人交

納錢糧著以錢百文為銀一兩倘伊等謂交錢不便即著交銀務使市有定價則公私皆獲其利併將原摺錄寄閱看

甲子

命酌賞辦送伊犁屯田口糧之伯克回人等

上諭軍機大臣曰書山奏伊犁屯田回人所需口糧經阿奇木伯克鄂斯瑞等辦理從庫車沙雅爾賽里木拜四城共派出四萬八千七百餘觔陸續送

往等語此項口糧俱係各該伯克回人等捐助急
公可嘉著舒赫德等酌量獎賞

戊辰

議撥開展等處屯田兵丁往伊犁屯田事宜
副都統定長等奏言今歲開展托克三哈喇沙
爾喀喇和卓等處屯田收穫共得米麩二萬三
千八百餘斛較上屆多收一萬三千餘斛請約
計每兵一名墾田二十畝以上所收有餘或不

及二十畝而所收亦有餘者將管轄官員分別
議叙兵丁酌量獎賞計開展所收米麪可食屯
兵八百人四年九個月有奇喀喇和卓所收可
食三百人二年八個月有奇托克三所收可食
一千人一年三個月有奇哈喇沙爾所收可食
八百人二年六個月有奇奏入得

旨軍機大臣核議具奏尋議開展等處收穫既較上
屆多一萬餘斛其應行議叙官員等應照所請

交部議叙兵丁等遵

旨各賞給一年錢糧再查從前因進剿回部開展等處俱係衝要之地故屯田以接續口糧供備調遣今軍務告竣所有屯田兵丁節次奉

旨或發往伊犁或遣歸營伍請交舒赫德阿桂定長安泰會同酌議開展等處某處係屬要地仍應存留官兵外其年久老疾之人遣歸原營餘俱陸續發往伊犁屯田至從前所墾地畝酌量留

給兵丁耕種餘俱賞給本處回人所有現收糧石既敷臺站屯田兵丁數年之食亦即照各處所需之數貯備每年出陳易新毋使霉變奏入上從之

叅贊大臣舒赫德等疏奏就近派撥伊犁屯田兵丁

舒赫德等奏言派往伊犁屯田綠旗兵四百名應乘種麥之際與回人一同起程查葉爾羌等

處兵丁天寒路遠應停其調遣即於阿克蘇烏什賽里木兵丁內就近抽調自正月至三月人給麥一石此後所需或於哈密送羊一萬隻其農具即向阿克蘇回人購買計馱載六萬四千觔共設措馬駝牛驢五百四十三隻奏入報

聞

己巳

命優恤陣亡兵丁家屬及酌議照例子恤等差

上諭軍機大臣曰綽爾多等遵旨查奏兵丁內有一
家三人陣亡及三人內兩人陣亡各名數一摺默
爾根城馬甲喀喇勒岱等四十九人之子弟著加
恩各揀選一人以驍騎校用呼倫貝爾馬甲塔爾
吉察之子葉木伯訥衣年甫八歲著暫支馬甲錢
糧養贍打牲馬甲噶運察之子葉衣濟木保著加
恩以驍騎校用又據查奏黑龍江等處陷賊未出
及傷發身故並軍前溺斃之署叅領班第等一百

八十人尚未議卹伊等均歿於王事著照陣亡之例議卹至陷賊被害之員其人原與陣亡相等又如三都卜豆斌等臨陣傷重雖延至數日亦何異於陣亡惟守卡坐臺人等平時疏忽遇賊倉卒被害或得傷身故豈得遽與陣亡同議即減半賞卹已屬格外加恩此次查奏人員著該部分別辦理

平定準噶爾方略續編卷七

欽定四庫全書

平定準噶爾方略續編卷八

乾隆二十五年十二月辛未朔

參贊大臣舒赫德疏奏辦理烏什脫逃回人烏
朗噶等事宜

舒赫德奏言據烏什辦事伯永慶報稱十月初
十日夜喀喇巴克回人烏朗噶及厄魯特察罕
等帶家口二十餘人盜馬逃走比即派兵追捕

並向布魯特索取等語臣因永慶已離烏什不
可無辦事大員暫令道員德文管理又派侍衛
巴常端濟勒圖領兵五十名前往策應嗣據永
慶續報沿途查詢並傳諭布魯特各部落嚴行
拏解於十一月初二日轉回臣查烏朗噶原係
布魯特種類為霍集斯所信用今聞霍集斯留
京恐續行解送遂起意潛逃正在辦理索取有
布魯特特穆爾占前來貿易俟其回日派侍衛

等同往查拏務獲奏入報

聞

壬申

叅贊大臣阿桂等疏奏驅逐闌入邊境游牧之
哈薩克等

阿桂等奏言臣近派察哈爾營總烏巴什等領
兵於各路搜查嗎哈沁十月二十日回營告稱
在阿勒坦額默勒見有哈薩克三十餘人又伊

伊犁下游和洛霍斯見哈薩克十六人俱諭以
伊犁現有駐劄大臣令其前來投見臣等即傳
集侍衛官員公同詢問據頭目赫德勒奎屯等
俱稱上年在勒卜什過冬今游牧千餘戶甫經
移來等語臣阿桂諭以勒卜什等處乃

天朝大兵平定之地豈可越境游牧即著移回赫德
勒等以天寒雪盛求於來春遷移臣等諭以爾
等私行游牧即應治罪姑念業為

大皇帝臣僕且一時無知誤入今給爾印文回報該
頭目限十日遷移倘仍復遲延即發兵驅逐隨
遣令起程一面派兵二百名令副都統伊柱帶
領前往驅逐臣阿桂前遣侍衛碩通領兵五十
名搜捕嗎哈沁即令其會合接應奏入報

聞

乙亥

議豫備阿克蘇牧放馬駝事宜

參贊大臣舒赫德等奏言現在五吉等送馬三千匹至阿克蘇除送往伊犁及散給卡倫臺站兵丁外尚存九百餘匹恐不敷來年辦送伊犁官兵及葉爾羌等城之用請於巴里坤牧放馬匹內再行挑選或一千匹或五百匹解送阿克蘇再五吉送駝三百隻除補給臺站外其餘亦不敷用嗣後一切遞送伊犁事件應請就近僱用回人牛驢尚屬省便奏入得

旨軍機大臣議奏尋議阿克蘇為回地總匯差務紛
繁自應多備馬匹以供調撥應如舒赫德等所
奏在巴里坤牧放馬匹內挑選一千匹於來年
草發時解往再臣等愚見阿克蘇附近之地尚
有牧放處所似應將巴里坤馬匹陸續解送阿
克蘇如蒙

俞允請於來年從巴里坤再行解送一千匹以備調
撥至駝隻現在不敷酌量僱用回人等牛驢既

省內地購辦之煩而回人等支領租價亦於生計有益俱應如所奏辦理奏入

上從之

丙午

葉爾羌辦事都統新柱等疏奏回城鼓鑄事宜
新柱等奏言辦理鑄錢同知坤豫於八月至葉
爾羌九月開爐鼓鑄十月十五日據辦理糧餉
原任按察使圖桑阿等報稱共動用庫貯紅銅

二千餘觔鑄錢二千五百串俟鑄足六千串時
均勻散給葉爾羌喀什噶爾和闐等城以新錢
一文換回地舊普爾二文銷燬更鑄臣等查庫
貯銅七千餘觔可得錢一萬餘串以此兌換回
錢更鑄新錢始可流通計每次鑄足新錢六千
串時即兌換舊錢一次但喀什噶爾和闐等處
兌換錢文恐有遲滯臣等酌量行文令各城派
出頭目收集舊錢前來兌換至回人等交納官

錢應於葉爾羌等三處各散給新錢二千串之
後下月初次交納新錢三分二次六分三次九
分四次全交新錢每次交官新錢即折給官兵
鹽菜銀兩如有不足始搭用舊錢若庫內有存
貯舊錢亦酌量全行搭放鼓鑄俟新錢至十萬
串即將回地普爾全行收集銷燬併出示停其
行使又據葉爾羌阿奇木伯克鄂對等呈從前
噶爾丹策零時因鑄普爾十萬串須收舊普爾

二十萬串恐不敷鼓鑄將回人所用銅器以錢
一觔換銅二觔始應用無悞亦請照此辦理臣
等查詢情形於回人並無虧損而錢文可以速
成亦咨會舒赫德行文海明丑達一體辦理奏
入報

聞

己卯

命更換軍前厄魯特侍衛等

軍機大臣奏言查軍前所有厄魯特二等侍衛
烏魯木三等侍衛雅賽藍翎侍衛額卜克特塞
卜騰鄂勒錐圖俱乾隆二十三年派往軍前送
馬懇留効力之員今出兵已閱二年應請派員
更換謹將在京之厄魯特侍衛碩通等十三人
引

見俟奉

旨派出照例給與整裝銀兩作為二起馳驛遣往阿

克蘇三員伊犁三員有願攜家口者准其帶往
奏入得

旨著派碩通和屯烏勒木濟達什扎卜都卜珠爾策
伯克俟入覲回人轉回時派出照看仍交派出大
臣管領

命以厄魯特藍翎侍衛策伯克為三等侍衛賞給巴
圖魯號

上諭軍機大臣曰厄魯特藍翎侍衛策伯克前隨瑞

綽爾圖被圍既不從賊亦未逃避他往且覓路回
至軍營甚屬可嘉著加恩授三等侍衛賜卓里克
圖巴圖魯號仍賞銀一百兩

庚辰

訓飭陝甘總督楊應琚查奏甘省軍需馬匹墊項

上諭軍機大臣曰前據蔣炳奏稱甘省各營承辦軍
需馬匹墊項約銀八九十萬兩是以傳諭該督撫
令其查明實數具奏以便頒發加恩諭旨今該督

所奏雖未奉到前諭自應將歷年免過若干現在
餘欠若干分晰開除乃斤斤預計明年未扣之公
糧謂可抵補有餘殊屬牽混夫新疆底定無用多
兵則省費乃國家經權之道豈可僅為抵補起見
至歷任承辦及伊經手之項分別臚列未免意存
畛域著傳諭楊應琚即速據實查明二十一年夏
季以後供墊各項除歷次豁免及曾經抵扣外現
在欠數若干務於歲內奏到候朕降旨加恩

乙酉

命以三等侍衛布占泰為二等侍衛

上諭軍機大臣曰三等侍衛布占泰從前兩次差往布魯特招服頭目明伊勒哈霍什克伯克等甚屬奮勉著加恩授為二等侍衛

叅贊大臣舒赫德等疏奏獎賞急公回人事宜舒赫德等奏言伊犁屯田回人籽種口糧衣裝俱經各城回人捐助遵

旨酌量獎賞查阿克蘇庫車烏什等城回人俱量其
生計饒乏均勻資助未免人數過多若偏行賞
給勢有難周現在各城接濟官兵口糧牲隻尚
須回人等往來運解牲隻不無倒斃來年正月
又添駐回人五百戶生計尤不免竭蹶請將來
交納官糧蠲免十分之一俾得均霑

恩澤至葉爾羌喀什噶爾和闐三城距伊犁頗遠雖
亦稍有資助未便一體獎賞奏入報

聞

烏魯木齊辦事

御前侍衛副都統安泰等疏奏烏魯木齊等處收穫

分數

安泰等奏言據總兵官金梁詳報烏魯木齊昌
吉羅克倫等五處村莊所收麥黍等穀共九萬
四千八十九石有奇臣等查村莊地畝肥磽不
同而官兵等皆能盡力工作計將收穫穀數折

作米麪可得六萬四千九百五十二石九斗有
奇足數五千三百餘人四年零三個月之食自
屯田以及各項差遣兵丁俱得贍給應請照例
議叙其守備千把總等官應請一併酌量議叙
奏入報

聞

丙戌

諭叅贊大臣阿桂曉示哈薩克等遷移游牧

上諭軍機大臣曰阿桂奏據哈薩克等告稱伊等使人拜克奈回至游牧曾言大皇帝加恩將愛古斯等處賞給我等游牧等語從前哈薩克使人入覲奏請在塔爾巴噶台游牧朕即面諭不允又載入勅書此特哈薩克等希圖僥倖造言生事現在納旺等帶領哈薩克使人將至京師朕仍以阿桂所奏哈薩克等造言生事之處再行申諭並勅駐劄大臣嚴行驅逐著傳諭知之

命巴里坤等處大臣購辦烏魯木齊等處屯田牲隻
上諭軍機大臣曰安泰等奏稱烏魯木齊等處屯田
需用牛隻請交烏里雅蘇台大臣向喀爾喀等採
買一二千隻陸續解送等語此事殊為不便今喀
爾喀等以馬匹牲隻赴巴里坤哈密貿易者頗多
著傳交各該處駐劄大臣就近酌給價值購辦或
兼用驢頭其力亦與牛相等並傳諭楊應琚於肅
州一帶量為採買解送俱著遵照辦理

申飭陝甘總督楊應琚查奏軍需馬匹欸項

上諭軍機大臣曰陝甘兩省各營承辦軍需馬匹銀兩昨經諭令該督等作速查明實數具奏惟是軍需馬匹歷任督撫先後承辦事屬一體乃楊應琚等屢次摺奏以黃廷桂任內所辦與伊等經手之項兩相較量多寡所見甚小至摺內所稱墊用字樣尤屬非是試思連年承辦軍需一切欸項果係何人墊辦耶況以扣缺公糧抵補前項乃朕格外

特恩該督等又何得以節省經費竟視為應行抵補之項耶楊應琚久任封疆向來辦事從未至如此之謬今此奏立意措詞均未得體著傳諭知之

陝甘總督楊應琚疏奏籌辦哈密貿易事宜

楊應琚奏言本年十月准舒赫德移送奏稿內稱有布魯特塔什罕等回人來阿克蘇貿易欲將所得銀兩前赴哈密貿易因時屆秋深令其轉回等語臣查外藩回人貿易銀兩若向內地

置辦貨物可以漸次收回甚有裨益業經欽奉
諭旨准其往來臣擬照新疆貿易之例行知該處辦
事大臣善為妥辦奏入報

聞

壬辰

宗室公如松等率葉爾羌喀什噶爾阿克蘇和
闐烏什庫車沙雅爾賽里木拜諸回城伯克等

入

覲

上幸瀛臺四品伯克薩里等三十三人於西華門外

跪請

聖安

上面加慰問隨於瀛臺

賜食

上還宮

召薩里等至

重華宮

賜茶果

癸巳

上御西廡幄次

賜朝正外藩蒙古及回部郡王霍集斯等宴并

命葉爾羌諸回城伯克薩里等預坐

賜冠服幣帛有差

叅贊大臣舒赫德等疏奏補授各城伯克及分

給官田事宜

舒赫德等奏言查伊犁三品阿奇木伯克現將
額敏和卓之子木薩補授總管屯田回人應將
於吐魯番回人內補授伯克一二人以資協辦
查伊犁阿奇木之外自四品伊沙噶至阿爾巴
卜伯克凡十五缺其間尚有應裁應增或將來
續放或於阿克蘇等城補放之處再行酌定至
庫車哈喇沙爾有應行補授之伊犁都官阿爾

巴卜二缺請即交該處駐劄大臣令阿奇木等
保送補授帶領庫車沙雅爾賽里木拜多倫等
屯田回人前往伊犁其葉爾羌等城伯克品級
俱經臣等陸續定擬具奏惟賽里木拜二城阿
奇木伯克等前因入

覲今已轉回臣等酌定賽里木三品阿奇木伯克一
員四品伊沙噶伯克一員五品噶雜納齊伯克
一員六品哈子伯克一員七品明伯克密喇卜

各一員其拜城較小酌定阿奇木伯克為四品
亦定缺六員將哈子伯克明伯克密喇卜俱定
為七品並將保送人員列單恭呈

御覽其阿克蘇城向有巴濟格爾伯克一缺管理貿
易又阿克蘇所屬有多倫回人四百餘戶請設
伯克管轄阿克蘇錢局派出回人分往雅哈里
克溫巴什二處採銅每處亦請設伯克一員再
從前酌定葉爾羌等處伯克有撥給官田及屯

田餘丁一項庫車沙雅爾賽里木拜等城尚未
酌給請一體辦理造冊備查以資辦公奏入得
旨如所請行

丙申

命叅贊大臣舒赫德回京

上諭軍機大臣曰舒赫德在軍前年久應派員更換
著左都御史永貴帶領此次入覲之回部伯克等
前往與舒赫德交代後舒赫德即起程回京

命乾清門侍衛額爾登額等輪班在回部行走

上諭軍機大臣曰此次入覲之回部伯克等起程時著派乾清門侍衛額爾登額伊德殷濟圖隨同永貴照看前往即留於駐劄大臣處聽候差遣其來年入覲之回人等著棟保訥齊訥帶領前來嗣後乾清門侍衛等即照此輪班行走

命議叙叅贊大臣阿桂等及陞賞擒獲嗎哈沁官兵叅贊大臣阿桂奏言從前察卜沁臺站馬匹被

嗎哈沁盜竊副都統豐訥亨領兵一百名追至
朱爾都斯因風雪迷蹤轉回臣仍令豐訥亨再
往搜捕十一月二十一日據回報十月初四日
至阿爾薩拉圖見有馬跡即令厄魯特藍翎侍
衛塞卜騰署叅領伊屯索倫署防禦額特訥等
尋蹤追逐豐訥亨等向哈爾巴琿河令巴圖魯
侍衛翹蘇爾堵截遇數賊為塞卜騰等擊敗隨
尾追至夜賊棄馬登山翹蘇爾塞卜騰伊屯額

特訥攻圍射殺賊四人擒賊一人豐訥亨遂過
察爾圖嶺十五日翹蘇爾同藍翎隊長德爾塞
行至烏納哈特嶺遇賊二十餘人擒獲五人詢
係偷竊臺站馬匹之嗎哈沁豐訥亨等隨往接
應翹蘇爾餘賊固守山險復攻潰擒獲數賊供
稱有嗎哈沁在哈爾扎卜藏匿二十三日行至
哲爾圖捉生詢問知賊在圖爾根河隨舍馬步
行追入藍翎隊長特英額索倫兵哈濟噶爾斗

濟勒圖等遇賊擊敗窮追兩晝夜沿途斬獲賊人於特勒克等處覓得賊蹤十一月十一日翹蘇爾等攻奪賊人馬羣詢知賊人特固斯孟克在伊克特勒克河源藏匿往阿圭雅斯打牲日內即回因分三路往迎十二日翹蘇爾等遇特固斯孟克奔逃協力擒獲計擒勦嗎哈沁男婦七十餘人獲馬五十餘匹臣阿桂等研訊特固斯孟克供係綽羅斯台吉昂吉岱之異母兄從

哈薩克逃回偷竊臺站馬匹是實等語臣等查該犯屢拒官兵罪不可逭即同擒獲之得木齊巴朗等正法其所獲馬匹補給臺站奏入

上諭軍機大臣曰據阿桂奏豐訥亨等領兵搜捕嗎哈沁擒獲偷竊臺站馬匹之庫本諾雅特台吉特固斯孟克等語阿桂豐訥亨此次搜捕逸賊奮勉可嘉著交部議叙巴圖魯侍衛翹蘇爾厄魯特藍翎侍衛塞卜騰甚屬奮勉翹蘇爾著加恩授為二

欽定四庫全書

平定準噶爾方略續編

卷八

六

等侍衛塞卜騰授為三等侍衛德爾塞著授為藍翎侍衛伊屯授為前鋒章京特英額授為護軍校額特訥斗濟勒圖哈濟噶爾俱賞戴藍翎其餘官員俱交部議叙兵丁酌量獎賞又

諭曰阿桂此次辦理嗎哈沁甚合機宜今正值天寒雪盛嗎哈沁等無處棲身必四散奔走自應不時派兵搜捕但搜捕亦豈能淨盡今伊犁現議編設佐領管束厄魯特等仍應廣為招撫俾其來投可

以肅清地方併省派兵搜捕之力著傳諭阿桂等
出示曉諭此時嗎哈沁等能悔罪來投即行收養
若負固藏匿則擒殺無赦於各處要路張掛悉使
聞知可酌量辦理

命以厄魯特二等侍衛碩通為伊犁佐領

上諭軍機大臣曰厄魯特侍衛碩通年來効力軍前
頗著勞績今伊犁收養投順之厄魯特等編設佐
領管轄碩通著授為佐領俟安插厄魯特漸多令

金史卷八
其總管俱可伊有家口在京著阿桂等令碩通由
驛回京攜眷前往

議伊犁編設厄魯特佐領等事宜

叅贊大臣阿桂等奏言現在伊犁所有厄魯特
及來年自阿克蘇肅州送到之厄魯特等共百
餘名將來藏匿哈薩克布魯特人等聞安插之
信必陸續來投若無管束章程非經久之策請
嗣後來投之厄魯特等滿百人則編為一佐領

揀選佐領一員驍騎校一員領催四名管束查
伊犁厄魯特二等侍衛碩通烏魯木藍翎侍衛
塞卜騰俱可委用至更換侍衛之時將在京及
察哈爾居住之厄魯特侍衛等揀選派出令其
新舊參用三年一換其兵丁等著有勞績者照
綠旗兵給與錢糧新經來投之人但給口糧候
補跟役家口等酌給籽種牛羊使之耕作孳息
庶伊等皆有常業奏入得

旨軍機大臣議奏尋議伊犁之厄魯特等皆陸續來
投詢無抗拒情形且多奮勉効力頗著勞績之
人自應籌畫養贍俾得久遠安生至從肅州阿
克蘇發往及投入哈薩克布魯特等部落聞風
歸附者必以漸增多亦當加以管束所有編設
佐領驍騎校領催等官酌當錢糧養贍及自食
其力俱屬可行其選派侍衛新舊更換之處亦
應如所奏辦理臣等又查得近議更換軍前厄

魯特侍衛於京城侍衛內派委六人遣往無庸
另行選派其策伯克等六人應請行知阿桂等
酌量奏補將編設佐領名冊送部備查奏入
上從之

議運送伊犁牲隻什物事宜

叅贊大臣阿桂等奏言查伊犁駐兵屯田糧餉
馬匹俱可不煩內地之力即貨物亦不過酌給
鹽菜銀兩購買緞疋及紙筆等物所難得者牛

羊駝隻布疋茶葉耳牛羊之辦解不無煩費駝
隻之倒斃亦難購補以臣愚見若採買牛三千
隻羊五萬隻在伊犁設立牧羣可永遠孳息再
辦駝二千隻留一千二百隻於巴里坤為換班
兵丁馱載遣往伊犁自伊犁撤回兵丁之駝則
於巴里坤牧放以待下次換班其傷損必少查
喀爾喀等旗牛羊尚覺充裕駝隻亦多似可酌
量採買至烏里雅蘇台存貯布疋茶葉頗多亦

請於解駝時酌量足敷官兵之用就便馱載抵扣鹽菜銀兩則公餉可省而私用亦便奏入得旨軍機大臣議奏尋議伊犁駐兵屯田所需牲隻每年採買解送實屬煩費臣等欽奉

諭旨將達里岡愛商都達卜遜淖爾等處牧羣牲隻業經定議揀選解送伊犁阿桂等所請於喀爾喀採買之處應無庸議但臣等原議馬二萬匹駝一千隻牛六千隻羊六萬隻與阿桂等籌辦

之數不符應請停其解送馬匹其牛羊則照所
奏之數發往至駝隻既不必全行解送亦自可
陸續購買請仍照原議先送一千隻再令巴里
坤哈密大臣等購買足數以備換班之用至布
疋茶葉為官兵所必需烏里雅蘇台存貯雖多
未免遠隔且駝隻既由巴里坤哈密購買應請
即將此兩處存貯茶葉布疋輕裝運送前往其
辦送牛羊酌量分羣派兵陸續照管起程及官

兵行糧整裝銀兩臣管與總管巴爾品會商續
奏奏入

上從之

丁酉

申諭禮部侍郎五吉等購辦伊犁屯田牛隻

上諭軍機大臣曰五吉等奏稱購辦巴里坤商販羊
隻二千餘此內得牝羊三百餘隻合之從前所購
共羊一萬四千餘隻內牝羊一千三百餘隻以五

百隻為一羣加意牧放等語昨阿桂等請將伊犁
屯田牛隻在烏里雅蘇台購辦看來喀爾喀等赴
巴里坤等處貿易者頗多則牛隻亦自必不少昨
已諭伊犁牛羊俱由牧羣揀送駝隻在巴里坤哈
密購買著傳諭五吉等仍行購買牛隻解送烏魯
木齊備用

命錄用回人阿克伯克及獎賞布魯特阿瓦勒比
上諭軍機大臣曰海明奏稱前因英噶薩爾之阿哥

木伯克素勒坦和卓入覲係色梯巴勒氏署事又
往辦牌租阿巴特之阿奇木事務故令伊弟阿克
伯克暫署今素勒坦和卓已回阿克伯克無應辦
之事等語阿克木克暫署阿奇木以來辦事既屬
妥協著交與舒赫德侯有阿奇木伊沙噶等伯克
缺出將阿克伯克酌量補用又

諭曰海明奏布魯特冲噶巴什之阿瓦勒比查出伊
屬人搶掠安集廷什物給回此次又查拏盜馬回

人烏朗噶等擒獲賊黨甚屬奮勉等語阿瓦勒比著再加恩賞緞二端所差屬人等各賞銀三兩仍以加恩獎賞之處傳諭知之

訓飭喀什噶爾辦事都統侍郎海明陳奏不實

上諭軍機大臣曰從前海明奏解送助逆賊犯十六人來京此內愛瓜爾和卓請發回正法朕以此等賊犯解送已久將次抵京且據阿里衮所奏情罪相同而海明又未聲明應行發回之由因傳諭查

詢今據奏覆牽引前後定罪情節輾轉紛繁意圖
掩飾從前海明所見即屬拘泥糊塗此次更為瑣
屑人誰無過況在萬里之遙一時意見不到經朕
訓諭即直承錯謬必加原宥乃掩飾其詞以圖文
過尤屬非是海明係駐劄大臣此事雖屬既往將
來遇有要務亦如此倉皇掩飾非徒無益且貽笑
於回人矣著傳諭海明嗣後遇一切事件務加意
奮勉據實辦理不可少存欺飾之見

葉爾羌辦事都統新柱等疏奏三等待衛明仁等奉使拔達克山等處情形

新柱等奏言明仁額爾登額奉使拔達克山等處帶領官兵於十一月二十日回至葉爾羌告稱前於九月初七日至拔達克山素勒坦沙在瑪沙特部落與塔什瑪木特相攻聞信遣人來迎並懇前至攻戰處所明仁等因伊有仰藉

天朝威德之意初十日行至該處素勒坦沙出迎跪

接

勅諭甚為恭敬隨以賞物傳

旨頒給素勒坦沙感激致詞向東叩謝復言此塔什

瑪木特係我族姪久相攻擊今聞

天使前來始率所屬六百餘戶歸附等語明仁等向

塔什瑪木特加以慰勉素勒坦沙又言春間塔

勒罕來攻今痕都斯坦又欲來攻祈示退敵之

法明仁等告之云爾可恭奉

大皇帝勅諭詳細繙素勒坦沙云

聖諭訓示周詳當敬謹遵循但從前奏懇發兵萬人
勦滅讐敵未知可否明仁等又云我等來此正
為察看情形今自瓦罕沿途訪問爾游牧人等
俱稱爾與隣部互相搶奪習以為常非實有讐
敵來攻豈敢代奏請兵況我等奉使兩次不過
五十人爾等尚難供給況萬人糧餉乎且爾既
招服塔什瑪木特痕都斯坦等亦因爾為

天朝臣僕不敢加兵皆我等目擊安敢捏詞陳奏爾
惟凜遵

勅諭和協隣封等語素勒坦沙云我等既歸順

大皇帝仁化雖死亦願東向何敢復存異見懇求將
我奏章轉達等語隨受其奏摺於九月二十二

日自拔達克山起程十月初六日至博洛爾沙
瑚沙默特所居之雅爾琿伊母率其弟沙瑚沙
伯克及衆伯克來迎據稱沙瑚沙默特因姻戚

沙塔拉爾部落被攻前往應援聞有

大皇帝勅諭即欲來迎而沙塔拉爾之瑪木特索丕
再三懇留請先將

勅諭頒給伊母等語明仁等不允隨遣侍衛什格阿
奇木伯克素勒坦和卓先往傳諭十月二十四
日沙瑚沙默特率數十人來迎跪請

聖安恭奉

勅諭隨給以賞物沙瑚沙默特感激叩首稱謝遂恭

進奏章及貢馬匹鷹犬軍器等物明仁等接受
起程行至沙爾琿有謙珠特之伯克黑斯婁向
係葉爾羌所屬每年納金三兩因年來被兵力
薄僅交一半而所遣又非大頭目前經辦事大
臣駁回今仍懇代進明仁等受其帕爾西字奏
章一件吐魯番郡王書一件與臣新柱臣額敏
和卓會議該伯克情頗懇誠仰體

聖主萬物一體之至意酌量收受其每年常貢若遣

伊子弟及大頭目等交納即照常代進伏候

訓示奏入報

聞

平定準噶爾方略續編卷八